



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՌՈՂՋԱՊԱՀԱԿԱՆ ԵՎ
ԱՇԽԱՏԱՆՔԻ ՏԵՍՉԱԿԱՆ ՄԱՐՄԻՆ

ՂԵԿԱՎԱՐ

N 01/25284-2023

«02» ԶԵՆՎԵՐԵՐԻ 2023թ.

ՈՐՈՇՈՒՄ

ԹԻՎ Վ/Դ-477 ՎԱՐՉԱԿԱՆ ՎԱՐՈՒՅԹԸ ԿԱՍԵՑՆԵԼՈՒ ՄԱՍԻՆ

Հիմք ընդունելով «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետը և հաշվի առնելով քաղաքացիներ Ա. Նիսանյանի և մյուսների դիմումը, ՀՀ առողջապահական և աշխատանքի տեսչական մարմնում (այսուհետ՝ Տեսչական մարմին) 2023 թվականի հոկտեմբերի 10-ին հարուցվել է թիվ Վ/Դ-477 վարչական վարույթը՝ «Արգիշտի-2» ՍՊԸ-ում (այսուհետ նաև՝ Ընկերություն) ՀՀ աշխատանքային օրենսգրքի 192-րդ և 198-րդ հոդվածների պահանջների պահպանումը պարզելու նպատակով:

Տեսչական մարմնի ղեկավարի 2023 թվականի հոկտեմբերի 12-ի թիվ 1238-Ա հրամանի հիման վրա նախատեսվել է «Արգիշտի-2» ՍՊԸ-ում 2023 թվականի հոկտեմբերի 16-ից մինչև հոկտեմբերի 23-ը ներառյալ իրականացնել զննում: Վերոնշյալ հրամանն ուղարկվել է Ընկերության՝ infoargishti1@mail.ru պաշտոնական էլեկտրոնային փոստի հասցեով, սակայն ստանալու մասին էլեկտրոնային հավաստում չի ստացվել:

Միաժամանակ, Տեսչական մարմնի ղեկավարի 2023 թվականի հոկտեմբերի 12-ի թիվ 1238-Ա հրամանը փոստային առաքմամբ ուղարկվել է Ընկերության՝ քաղաք Երևան, Ավան Առինջ 1-ին միկրոշրջան 1/4 շենք բն. 5 հասցեով, սակայն ստացման վերաբերյալ ապացույց Տեսչական մարմինը չի ստացել:

Չննում իրականացնելու նպատակով մասնագետները 2023 թվականի հոկտեմբերի 18-ին և 23-ին այցելել են իրավաբանական անձանց պետական ռեգիստրում առկա «Արգիշտի-2» ՍՊԸ-ի գտնվելու վայրի՝ քաղաք Երևան, Ավան



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՌՈՂՋԱՊԱՀԱԿԱՆ ԵՎ
ԱՇԽԱՏԱՆՔԻ ՏԵՍՉԱԿԱՆ ՄԱՐՄԻՆ
HEALTH AND LABOR INSPECTION BODY
OF THE REPUBLIC OF ARMENIA

0047, ՀՀ, ք. Երևան, Լոռք-Մարաշ, Ա. Արմենակյան 129
Հեռ. (374-10) 65-05-53 էլ. փոստ՝ info@hlib.am
www.hlib.am
Թեժ գծ՝ 8107

Առինջ 1-ին միկրոշրջան 1/4 շենք բն. 5 հասցե: Վերը նշված հասցե կատարած այցերի ընթացքում պարզվել է, որ Ընկերությունը նշված հասցեում գործունեություն չի իրականացնում (հիմք՝ 18.10.2023թ. և 23.10.2023թ. արձանագրությունները):

Տեսչական մարմինը, հիմք ընդունելով «Վարչարարության հիմունքների և վարչական վարույթի մասին» ՀՀ օրենքի 15-րդ հոդվածի 1-ին մասը, վարչական վարույթի բազմակողմանիությունը, լրիվությունը և օբյեկտիվությունն ապահովելու նպատակով 2023 թվականի հոկտեմբերի 31-ի թիվ 06/23683-2023 գրությամբ՝ «Արգիշտի-2» ՍՊԸ-ի փաստացի գործունեության իրականացման հասցեի(ների) վերաբերյալ տեղեկատվություն ստանալու նպատակով, փոխօգնության կարգով դիմել է Հայաստանի Հանրապետության պետական եկամուտների կոմիտե:

ՀՀ պետական եկամուտների կոմիտեն 2023 թվականի նոյեմբերի 08-ի թիվ 71-6/66635-2023 գրությամբ հայտնել է, որ ՀՀ պետական եկամուտների կոմիտեի տեղեկատվական շտեմարանում 2023 թվականի նոյեմբերի 06-ի դրությամբ «Արգիշտի-2» ՍՊԸ-ի հաշվառման հասցեն է՝ քաղաք Երևան, Ավան Առինջ 1-ին միկրոշրջան 1/4 շենք բն. 5:

Վարչական մարմինը գտնում է, որ վարչական ակտի ընդունումը հնարավոր է միայն այդ ակտի հասցեատիրոջը՝ «Արգիշտի-2» ՍՊԸ-ի տնօրեն Յուրի Քոքոբեյանին ի հայտ բերելու և վարույթին առնչվող որոշ կարևոր հանգամանքներ նրանից պարզելու դեպքում:

«Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-րդ մասի «գ» կետի համաձայն՝ վարչական մարմինը պարտավոր է կասեցնել վարչական վարույթը, եթե՝ վարչական ակտի ընդունումը հնարավոր է միայն այդ ակտի հասցեատիրոջն ի հայտ բերելու դեպքում:

Ելնելով վերոգրյալից, հիմք ընդունելով «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-րդ մասի «գ» կետը և 4-րդ մասը, ՀՀ վարչապետի 2018 թվականի հունիսի 11-ի N 755-Լ որոշմամբ հաստատված ՀՀ առողջապահական և աշխատանքի տեսչական մարմնի կանոնադրության 19-րդ կետի 13-րդ ենթակետը.



ՈՐՈՇՈՒՄ ԵՄ

1. ՀՀ առողջապահական և աշխատանքի տեսչական մարմնում 2023 թվականի հոկտեմբերի 10-ին հարուցված թիվ Վ/Դ-477 վարչական վարույթը կասեցնել՝ մինչև կասեցումն առաջացնող հանգամանքի վերանալը (բայց ոչ ուշ, քան կասեցման մասին որոշում ընդունելու օրվանից հետո 60 օրը լրանալը):

2. Սույն որոշումը ենթակա է ծանուցման «Արգիշտի-2» ՍՊԸ-ի տնօրեն Յուրի Քոքոբեյանին (հասցե՝ ք. Երևան, Ավան Առինջ 1-ին միկրոշրջան 1/4 շենք 5) և քաղաքացիներ Ա. Նիսանյանին և մյուսներին (էլ. փոստ: hovo.vardanyan.888@mail.ru):



Восстановимая подпись

X

ՍԼԱՎԻԿ ՍԱՐԳՍՅԱՆ

Подписано: SARGSYAN SLAVIK 3807890467

ՍԼԱՎԻԿ ՍԱՐԳՍՅԱՆ



ՀՀ ԱՆՏՐԱԴԱՐՈՒՄԻ ՇՐՋԱՆԱՆ ԵՎ ԱՇԽԱՏԱՆԵՐԻ
ՏԵՍՉԱԿԱՆ ՍԱՐԳՅԱՆ
HEALTH AND LABOR INSPECTION BODY
OF THE REPUBLIC OF ARMENIA

0047, ՀՀ, ք. Երևան, Լոռք-Մարտ 2, Ա. Արմենակյան 129
Հեռ. (374-10) 65-05-53 Էլ. փոստ՝ info@hlib.am
www.hlib.am
Թեժ գին՝ 8107